



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Filii Regum monachi, quorum locus professionis ignoratur. c. XXVI.

urn:nbn:de:hbz:466:1-38397

Philippus, Ludouici Franciæ Regis filius.

PHILIPPVS Ludouici Crassi Franciæ Regis filius, exemplum fratris sui Henrici, qui monachus Claravallensis factus fuerat, imitatus, monachus & ipse factus est in monasterio S. Petri Corbeiz Gallicæ; mox Abbas, ac deinde summus etiam Lutetiæ Archidiaconus, postremo Episcopus Parisiorum electus, virtuti, doctrinæque Petri Lombardi, sententiarum magistri dignitatem cessit, anno Domini 1150. *Genealogia stirpis Capetiæ.*

Berengarius, Raymundi Aragoniæ Regis filius.

Berengarius, Raymundi Aragoniæ in Hispania Regis filius, monachus primum, deinde Abbas Montaragonis, postremo uore Alphonsi Regis fratris sui, Turiafonensis, & Ilerdensis Episcopus factus est, anno salutis circiter 1170. *Mariana in annal. Hisp. lib. 11. cap. 9.*

Filij Regum Monachi, quorum locus professionis igitur.
ratur. Cap. XXVI.

Drostanus, Aidani Scotiæ Regis Auunculus.



ROSTANVS, Aidani Regis Scotiæ, Auunculus & ipse regio genere ortus, rebus huius mundi exis nuncium remittens, monasterii se terminum clusit, multosque suæ sanctitatis exemplo ad beatitudinem frugem traduxit circa annum Domini 600. *Le laus, lib. 4.*

Dagobertus, Sigiberti Austrasiæ Regis filius.

DAGOBERTVS, Sigiberti Austrasiæ in Gallia Regis filius, tutelaque Grimoaldi aulæ præfecti a patre moribundo commissa, sed ab eo perfidiosè detorsus, ac Sacris initiatus, & ad quoddam monasterium in Scotia relegatus, diem clausit extremum circiter annum Domini 658. *Vignierius in chronico Burgundiæ, & alii.*

Edmundus, Malcolmi Scotiæ Regis filius.

EDMUNDVS, Malcolmi III. Canmoir, Scotiæ Regis filius, monasterium hunc omnino deferens, rerum se diuinarum contemplationis, in

landine cœnobii penitus addixit, anno salutis circiter 1080. *Les-*
lus lib. 6.

Filij Regum, Monachi facti, sed coactè, tam certè,
quam incertè professionis. Cap. XXVII.

Theodo, Tassilonis Bauariæ Regis filius.



THEODO, Tassilonis, III. huius nominis, ultimi
Bauariæ Regis filius, lese maiestatis cum patre cõ-
uictus, vna cum eo in monasterium s. Nazarii Lau-
risheymentis, non procul à Vuormatia, inclusus,
Presbyterii etiam honore postmodum decoratus
est, anno 788. *Belforestius annal. Franc. lib. 2. ca. 13.*
& alii infiniti.

Carlomannus & Pipinus, Carlomanni Austrasiæ Regis filii.

CARLOMANVS, & Pipinus, Carlomanni Austrasiæ in Gallia
Regis, Caroli Magni Imperatoris fratris, filij, ab eodem Carolo
Magno ob lese maiestatis crimen in quodam Galliæ cœnobio de-
tenti, anno Domini 780. in eodem obierunt. *Belforestius annal.*
Franc. lib. 2. c. 7. qui eorum nomina reticet, quæ accepimus ex Anastasi-
o Bibliothecario in tractatu translationis reliquiarum S. P. N. Benedi-
cti, Manuscripto.

Bernardus, Pipinus, & Herebertus, Bernardi Italiæ Re-
gis filii.

BERNARDVS, Pipinus, & Herebertus, Bernardi, cuius supra me-
mimus, Italiæ Regis filii, patre ob affectatum Imperium in mona-
steriũ relegato, eandem Monachismi conditionem, in quodam Gal-
liano cœnobio profiteri coguntur, an. salutis 818. Et in ea quidem
detentione duo primi remanentes, tertius eam respuens, ex monaste-
rio egressus, Comitum Viromanducorum principium fuit. *Belfo-*
restius annal. Franc. lib. 2. c. 27. & 30.

Hugo, Lotharii Austrasiæ Regis filius, Nothus.

HUGO, Lotharii Austrasiæ in Gallia Regis filius, Nothus, uir san-
guinolus, post multas cædes perpetratas, tandem à Carolo Crasso
Imperatore captus, ac oculis orbatus, in cœnobium S. Saluatoris
Præmiz, in agro Treuirensi, attonsus, diem illic supremum clausit,
anno Christi 885. & ibidem sepultus est. *Genealogia stirpis Carolinæ.*

HHh Alphon-